

მუდმივმოქმედი სატენდერო კომისიისა და სატენდერო კომისიის აპარატის შექმნის შესახებ საქართველოს განათლების, მეცნიერების, კულტურისა და სპორტის მინისტრის 2018 წლის 26 ივლისის N30 ბრძანებით შექმნილი სატენდერო კომისიის სხდომის

ო ქ მ ი N1

ქ. თბილისი

12 ოქტომბერი, 2018 წელი

სხდომას ესწრებოდნენ:

ირინე აბულაძე, მინისტრის მოადგილე, კომისიის თავმჯდომარე;

ნანა ფერაძე - ეკონომიკური დეპარტამენტის უფროსის ფუნქციათა შემსრულებელი, კომისიის წევრი;

ქეთევან ირომაშვილი - სამართლებრივი ექსპერტიზისა და სასამართლოებთან ურთიერთობის სამმართველოს უფროსის ფუნქციათა შემსრულებელი, კომისიის წევრი;

მარიამ ჩიქოზავა -სკოლამდელი და ზოგადი განათლების განვითარების დეპარტამენტის უფროსის ფუნქციათა შემსრულებელი, კომისიის წევრი.

მიხეილ კახნიაშვილი - შესყიდვების სამმართველოს უფროსი, კომისიის აპარატის წევრი;

ნათია ჭიკაძე- შესყიდვების სამმართველოს მეორე კატეგორიის უფროსი სპეციალისტი, კომისიის აპარატის წევრი.

დღის წესრიგი

საქართველოს განათლებისა და მეცნიერების სამინისტროს 2018 წლის სახელმწიფო ბიუჯეტის ("ინკლუზიური სწავლების ხელშეწყობის პროგრამის" ქვეპროგრამა „განათლების მიღების მეორე შესაძლებლობა სოციალური ინკლუზიით" (პროგრამული კოდი 320601) დაფინანსების ფარგლებში ელექტრონული და ბეჭდური მასალის დამზადებისა და მიწოდების მომსახურების (CPV: 79823000) სახელმწიფო შესყიდვის მიზნით, სატენდერო განცხადებისა და სატენდერო დოკუმენტაციის პროექტის განხილვა/დამტკიცება.

მოისმინეს:

ინფორმაცია სკოლამდელი და ზოგადი განათლების განვითარების დეპარტამენტის მიერ 04.10.2018წ. N1273560 და 10.10.2018წ. N1305965 სამსახურებრივი ბარათებით წარმოდგენილი მოთხოვნის შესაბამისად, შესასყიდი მომსახურების შესახებ, რაც გულისხმობს ელექტრონული და ბეჭდური მასალის შექმნას საინფორმაციო კამპანიის წარმოებისთვის, რომელიც ემსახურება რეფერირების პროცედურებში ჩართული სუბიექტების ცნობიერების ამაღლებას ბავშვის განათლების უფლების დარღვევის ან შეზღუდვის შესახებ ინფორმირების შემთხვევებზე, მათი პასუხისმგებლობის და უფლება-მოვალეობების გაცნობასა და გააზრებას შემდგომი რეაგირებისთვის.

კომისიის წევრები ასევე გაეცნენ განხორციელებული ბაზრის კვლევის შედეგებს, რაც ასახულია ეკონომიკური დეპარტამენტის ბაზრის კვლევის სპეციალისტის 21.09.2018წ. N1185553 სამსახურებრივ ბარათში.

ბაზრის კვლევისას დაინტერესება გამოხატა და შემოთავაზება წარმოადგინა ორმა პოტენციურმა მიმწოდებელმა: შპს „ლემონ სტუდიო“-ს შეთავაზების ჯამური ღირებულება შეადგენს 1285 ლარს; ხოლო შპს სეზანმა“ საკუთარი წინადადების ღირებულებად განსაზღვრა 1200 ლარი, თუმცა აღსანიშნავია, რომ მან განფასება წარმოადგინა ნაწილობრივ და განმარტა, რომ კლიპარტებს არ ამზადებს.

სატენდერო კომისიამ იმსჯელა:

ბაზრის კვლევის შედეგების ანალიზიდან გამომდინარე შემოთავაზებული უმცირესი ფასების მიხედვით სატენდერო სავარაუდო ღირებულების განსაზღვრის მიზანშეწონილობაზე.

აპარატის წევრებმა კომისიას წარუდგინეს ზემოაღნიშნული სამსახურებრივი ბარათების გათვალისწინებით მომზადებული სატენდერო დოკუმენტაციის პროექტი: ტექნიკური დავალება, ხელშეკრულების პროექტი.

სატენდერო კომისიის წევრებმა განიხილეს და იმსჯელეს სატენდერო დოკუმენტაციის პროექტით განსაზღვრული პირობების/მოთხოვნების შესახებ, რომელიც ჩამოყალიბდა თანდართული სახით.

სატენდერო კომისიამ ერთხმად დაადგინა:

1. შესყიდვის სავარაუდო ღირებულებად, ბაზრის კვლევაში მონაწილე ორგანიზაცი(ებ)ის მიერ წარმოდგენილი უმცირესი ფასის გათვალისწინებით, განისაზღვროს 1285 (ერთი ათას ორასოთხმოცდახუთი) ლარი.

2 „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად, ზემოაღნიშნული შესყიდვა განხორციელდეს ერთეულოვანი ელექტრონული ტენდერის საშუალებით.

3. დამტკიცდეს საქართველოს განათლებისა და მეცნიერების სამინისტროს მიერ 2018 წლის სახელმწიფო ბიუჯეტის ("ინკლუზიური სწავლების ხელშეწყობის პროგრამის" ქვეპროგრამა „განათლების მიღების მეორე შესაძლებლობა სოციალური ინკლუზიით" (პროგრამული კოდი 320601) დაფინანსების ფარგლებში ელექტრონული და ბეჭდური მასალის დამზადებისა და მიწოდების მომსახურების სახელმწიფო შესყიდვის მიზნით, სატენდერო განცხადება, სატენდერო დოკუმენტაცია და ხელშეკრულების პროექტი.

4. დაევალოს სატენდერო კომისიის აპარატს უზრუნველყოს სატენდერო განცხადების და თანმდევი დოკუმენტაციის სახელმწიფო შესყიდვების ერთიან ელექტრონულ სისტემაში განთავსება, კანონმდებლობით დადგენილი წესით.

სატენდერო კომისიის თავმჯდომარე:

ირინე აბულაძე

სატენდერო კომისიის წევრები:

ნანა ფერაძე

ქეთევან ირომაშვილი

მარიამ ჩიქოზავა

სატენდერო კომისიის აპარატის წევრები:

მიხეილ კახნიაშვილი

ნათია ჭიკაძე